



## Universitätsbibliothek Paderborn

**Disputationes|| ROBERTI BELLAR-||MINI E SOCIATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE MEMBRIS ECCLE-||SIAE MILITANTIS,|| TRIBVS LIBRIS|| EXPLICATA.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

XXI. Posse hæreticos ab Ecclesia damnatos temporalibus pœnis, & etiam morte mulctari.

[urn:nbn:de:hbz:466:1-53880](https://nbn-resolving.de/urn:nbn:de:hbz:466:1-53880)

hæreticorum bona sit, & recipienda, si tamen alibi repertiarur; verba eius hæc sunt: *Nunquid nam in ipsorum hæreticorum libris non multa, quæ ad Veritatem pertineant, possita leguntur?* *Nunquid nam ideo Veritas refutanda est, quia illorum libri, sibi prauitas inest, refutantur?* Aut ideo praui libri suscipiens sunt eorum, quia Veritas, quæ illic inserta est, non negatur?

Ad alia respondeo. PRIMVM, ex his locis colligi, semper in Ecclesia fuisse morem vitandi lectionem librorum hæreticorum, alioqui enim nemo istos Patres reprehendisset. DICO SECUNDО, semper concessum fuisse, & modò etiam concedi Episcopis, & aliis multis lectionem librorum hæreticorum, & ideo non mirum, si Dionysius & Theophilus, qui Patriarchæ erant, & S. Hieronymus, qui semper doctissimus est habitus, poterant suo iure omnes libros legere. DICO TERTIO, nullam tunc fortassè fuisse legem vniuersalis Ecclesiæ, sed solùm consuetudinem de non legendis libris hæreticorum, exceptis libris Atij; at nunc lex est Ecclesiæ vniuersalis, cui parendum est.

### C A P V T XXI.

*Posse hæreticos ab Ecclesia damnatos, temporibus pœnis, & etiam morte multari.*

 OANNES Huss artic. 14. in Concilio Constantiensi, sess. 15. recitato, afferuit, non licere hæreticum incortigibilem tradere seculari potestati, & permittere comburendum. Idem Lutherus in artic. 33. & in assertione eiusdem. Nec nouus est error; nam etiam Donatistæ olim idem docuerunt, vt Parmenianus, Petilianus, & Gaudentius, vt Augustinus testatur lib. 1. contra epistolam Parmeniani, cap. 7. Lib. 2. contra literas Petilianianas, cap. 10. lib. 2. contra epistolam Gaudentij, cap. 17. & 26. & epist. 50. ad Bonifacium.

Contrarium docent omnes Catholici, & aliqui etiam ex hæreticis. Nam Caluinus posteaquam Michaëlem Settum tanquam hæreticum publicè supplicio extremo affecisset, & ab aliis sectariis argueretur, libellum edidit, in quo

KKkk demon-

demonstrat, licitum esse in hæreticos gladio animaduerte-  
re, Benedictus quoque Aretius in historia de suppicio Va-  
lentini Gentilis, eundem Gentilem ob hæresim iure calum-  
niam à Bernensi Magistratu, contendit. Fusius verò id ipsum do-  
cet Theodorus Beza in libro de hæreticis à Magistratu pu-  
nendis.

Nos igitur breuiter ostendemus, hæreticos incorrigi-  
bles, ac præsertim relapsos, posse ac debere ab Ecclesia teni-  
& à secularibus potestatibus, temporalibus pœnis, atq; ipsi  
etiam morte multari.

Probatur PRIMO Scripturis. Scriptura veteris Testamé-  
ti Deut. 13. seuerissimè iubet falsos Prophetas, qui suadet co-  
lere Deos alienos, sine ulla misericordia occidi, & cap. 17.  
postquam dixerat, vt in rebus dubiis consulteretur summus  
Sacerdos, mox subdit: *Qui autem superbierit, nolens obediens*  
*Sacerdotis imperio, ex sententia iudicis moriatur.* Et rursum  
cap. 18. Propheta fallitus interfici iubetur. Et re ipsa legen-  
hanc seruabant Hælias, Iosias, Iehu, & alij, qui falsos Pro-  
phetas pluim os occiderunt, vt patet 3. Reg. 18. 8. & 2. Reg.  
& 23. nullum est autem ferè discrimen inter nostros hæ-  
reticos & falsos Prophetas illius temporis. nec solùm S. Reges  
& Prophetæ blasphemos morte mulctarunt, sed etiam Na-  
buchodonosor (vt dicitur Daniel. 3.) edictum constituit, ut  
quicunque blasphemaret Deum Danielis, id est, verū Deum,  
interficeretur, & domus eius vastaretur; in quo edito Deo  
vero obsequium iustissimum fecit, vt B. Augustinus dicit in  
epist. 50. & alibi.

In novo Testamento habemus in primis Matth. 18. posse  
Ecclesiam eos, qui obedire nolunt, à se reiicere, & habete ut  
Ethnicos & Publicanos, ac proinde permittere eos potestati  
seculari, tanquā non amplius Ecclesiæ filios. Habemus de la-  
de Rom. 13. secularem potestatem, posse scelestos homines  
gladio punire: *Non enim, inquit, sine causa gladium portat,*  
*minister enim Dei est, vindicta in iram, &c.* Ex quibus duobus  
locis apertè colligitur, licitum esse hæreticos, qui omnium  
iudicio sunt rebelles Ecclesiæ & publicæ pacis perturbatores,  
ab Ecclesia abscondi, & à seculari iudice morte mulctari.

PRAETEREA Christus & Apostolus eius hæreticos iuste-  
bus cōparauerunt, quæ sine controversia ferro & igni repel-  
luntur

Iuntur; nam Matth. 7. Dominus ait: *Attendite a falsis Prophetae, qui veniunt ad nos in vestimentis outum, intrinsecus aut sunt lupi rapaces.* Et Acto. 20. *Ego scro, quoniam intrabunt post discessum meum lupi rapaces; nomine luporum certum est haereticos intelligi debere, ut pulchre explicat S. Ambrosius in commentario ad initium capituli decimi B. Lucæ; at lupi rapaces optimo iure occiduntur, si aliter abigi non possunt;* pluris enim facienda est vita ouium, quam mors luporum. Item Ioan. 10. *Qui non intrat per ostium in outile, sed ascendit aliunde, ille fur est & latro.* Vbi nomine furis & latronis intelliguntur haeretici, & omnes seductores, ac sectarum invenatores, ut Chrysostomus & Augustinus exponunt, fures autem & latrones, quomodo puniantur, notum est. Item 2. Tim. 2. *haeresis comparatur cancro, qui non curatur medicamentis, sed ferro excindi debet, alioqui perpetuò serpit, & totum corpus corrumpt.* Denique Christus Ioan. 2. flagello coëgit negotiatorum egredi templum. Petrus Acto. 5. Ananiam, & Saphiram, quia mentiri ausi fuerant Spiritui sancto, occidit. & Paulus Act. 13. falsum Prophetam, qui proconsalem à fide impedita conabatur, cæcitate percussit.

Probatur SECUNDO sententiis & legibus Imperatorum, quas Ecclesia semper probauit. Constantinus I. Imperator ad petitionem Nicenæ Synodi Atrium cum aliquot sociis in exilium relegauit, ut auctor est Sozomenus lib. 1. cap. 20. historiæ; item Donatistas suppicio affecit, ut Augustinus refert lib. 1. contra epistolam Parmeniani, cap. 7. & in epist. 166. ad Donatistas, vbi enumerat multos Imperatores optimos, qui seuerissimas leges tulerunt cōtra haereticos, & unum solum Julianum Apostamatam haereticis fauisse.

Deinde Theodosius, Valentianus, Martianus, & alij religiosissimi Imperatores leges tulerunt in haereticos, quibus eos interdum aliquot libris auri, interdum omnibus bonis, interdum exilio & verberibus, interdum ultimo supplicio mulctari voluerunt, ut patet C. de haereticis. L. Manichæos. L. Ariani. L. Quicunque, qua ultima lege, quæ est Valentianus, & Martiani iubentur occidi omnes, qui prava docere tentant; qui vero eos docentes audiunt, aliquot libris auri mulctari. Justinianus apud Paulum Diaconum lib. 16. lege edita omnes haereticos de finibus totius imperij eie-

cit, concessis trium mensium ad conuersionem inducūs; deinde Michaēl Imperator apud eundem Paulum Diaconum lib. 24. capitalem pœnam in hæreticos constituit.

Probatur TERTIO legibus Ecclesiæ, cap. Ad abolendā, & cap. Excommunicamus, extra de hæreticis, & in Sexto de hæreticis, cap. Super eo, definit Ecclesia, hæreticos incorrigibiles seculari potestati tradēdos, ut ab eis debito modo puniatur. Item Constantiense Concilium sels. 15. damnauit sententiam Ioannis Hus; & ipsum Ioannem & Hieronymum de Praga tradidit seculari potestati, à qua ambo exusti fuerunt; denique Leo X. articulum Lutheri damnauit.

Probatur QVARTO testimoniis Patrum. CYPRIANVS libro de exhortatione martyrij, cap. 5. postquam retulerat ex Deuter. 13. necandos esse Pseudoprophetas, subdit: *Si hoc in Testamento Veteri siebat, nunc magis faciendum esse.*

HIERONYMVS in illud Galat. 5. Modicum fermentum totam massam corrumpit: *Igitur, inquit, scintilla statim ut apparuerit extingueda est, & fermentum à massa scintia semouendum; secunda putrida carnes, & scabiosum animal à caulis ouium repellendum, ne tota domus, massa, corpus, & pecora, ardeat, corrumpatur, putrefaciat, intereant.* Anus finis scintilla fuit, sed quia non statim oppressa est, totum orbem eius flamma populata est.

*AUGVSTINV S lib. 2. retract. cap. 5. & in epist. 48 & 50 tractat, quod aliquando senserat, non esse vi cogendos hæreticos ad fidem, & prolixè probat id utilissimum; semper tamen excipit supplicium mortis, non quod illos hoc non mereri putaret, sed tum quia hoc decere Ecclesiæ mansuetudinem existimabat, tum etiam quia nondum illa existebat lex Imperatorum, qua hæretici iuberentur occidi; illa enim Lex, Quicunque, C. de hæreticis, paulò post mortem Augustini lata est.*

Quod autem Augustinus existimauerit, iustum esse, si hæretici occiderentur, perspicuum est; nam lib. 1. contra epistolam Parmeniani, cap. 7. ostendit, quod si punirentur morte Donatistæ, iuste punirentur. Et tractat. 11. in Ioan. Occidunt, inquit, *animas, affliguntur in corpore, sempiternas mortes faciunt, & temporales se perpeti conqueruntur, &c.* Vbi dicit falsò illos conqueri, quod occiderentur ab Imperatoribus tamen

tamen si etiam verum esset, adhuc iniuste conquererentur.  
Denique in epist. 50. ad Bonifacium dicit, Ecclesiam quidem  
nolle ullum hæreticum occidi, tamen sicut domus David nō  
potuit habere pacem nisi Absalon extingueretur, & David  
pace regni mœtorem mortis filij consolatus est: sic cūm ex  
legibus Imperatorum contra hæreticos sequitur aliquorum  
mors, Ecclesiam dolorem materni cordis lenire ac sanare  
tantorum liberatione populorum.

S. Leo in epist. 91. ad Turbium, cap. I. Merito, inquit, Patres  
nostrī, sub quorum temporibus hæresis hac nefanda prorupit,  
per totū mundum instāter egere, Et impius furor ab ēniuersa  
Ecclesia pelleretur; quando etiā Principes mundi hanc sacri-  
legam amentiam ita detestati sunt, Et auctorem eius, ac ple-  
rosq; discipulos legum publicarum ense prosternerent; Et pro-  
fuit diu ista districtio Ecclesiastica lenitati, qua et si sacerdo-  
tali contenta iudicio, cruentas refugit vltiones, seueris tamen  
Christianorum Principum constitutionibus adiunxit, dum  
ad spirituale nonnunquam recurrunt remedium, qui timent  
corporale supplicium. OPTATVS Milcuitanus lib. 3. respon-  
dens calumniæ hæreticorum, qui ægerrimè ferebant duos  
ex suis à Machario præfecto imperfectos: Videtis, inquit, à  
Mose, Et Phinee, et Helia, et Machario similia esse facta, quia  
ab omnibus ēnius Dei vindicta processit.

GREGORIVS lib. I. epist. 72. ad Gennadium Exarchum  
Africæ, laudat eum, quod magno zelo hæreticos armis per-  
sequeretur, & hortatur, vt perget.

S. BERNARDVS serm 66. in Cantica: Melius, inquit, pro-  
culdubio gladio coēcerentur, illius videlicet, qui nō sine caus-  
sa gladium portat, quām in suum errorem multos trahere  
permittantur; Dei enim minister ille est, vindex in iram ei,  
qui male agit, mirabantur aliqui, quod non modō patienter,  
sed etiam lati, vt videbantur, ducerentur ad mortem; sed qui  
minus aduertit, quanta sit potestus Diaboli, non solum in cor-  
pora hominū, sed etiam in corda, quæ semel permisus possede-  
rat: Nonne plus est sibimet hominem inuicere manus, quām  
id libenter ab alio sustinere?

Probatur VLTIMO ratione naturali. PRIMO, hæretici  
excommunicari iure possunt, vt omnes fatentur, ergo & oc-  
cidi. Probatur consequentia, quia excommunicatio est ma-

ior pœna, quām mors temporalis. Augustinus lib. i. contra aduers. Legis & Prophetarum, cap. 17. dicit, horribilius esse tradi Satanæ per excommunicationem, quām gladio fenni, flammis absumi, ferīsue subigi ad deuorandum.

**S E C V N D O**, experientia docet non esse aliud remedium; nam Ecclesia paulatim progressa est, & omnia remedias erupta; primo solum excommunicabat; deinde addidit multam pecuniariam, tum exilium; vltimò, coacta est ad mortem venire; nam excommunicationem contemnunt heretici, ac dicunt esse fulmina frigida: si mineris multam pecuniariā, nec Deum timent, nec homines reverentur, sciebat non defuturos stultos, qui illis credant, & à quibus alantur; si in carcerem concludas, vel in exilium mittas, corrompunt vicinos verbis, & longè positos libris, ergo solum remedium est, mittere illos mature in locum suum.

**T E R T I O**, falsarij omnium iudicio merentur mortem; & heretici falsarij sunt verbi Dei.

**Q U A R T O**, ex ratione Augustini epist. 50. grauius est non seruare fidem hominem Deo, quām sc̄eminam viro, sed hoc morte punitur, cur non illud?

**Q U I N T O**, tres caussæ sunt, propter quas ratio docet homines occidendos esse, quas pulchre describit Galen in libro, cuius titulus est, quod mores animi corporis temperamentum sequantur, circa finem libri.

**P R I M A** caussa est, ne malibonis noceant, nēne innocentes à nocentibus opprimantur; atq; hinc iustissimè omnium iudicio occiduntur homicidæ, adulteri, latones. **S E C V N D A** est, vt paucorum suppicio multi corrigantur, & qui noluerunt professe Reip. viuendo, prosint moriendo; atq; hinc videmus etiam iustissimè omnium iudicio quædam horrenda flagitia morte puniri, licet proximis non noceant, nisi exemplo, vt Necromantiam, quædam nefanda & cōtra naturam; ista ideo grauissimè puniuntur, vt ceteri intelligat, immonia esse sceleræ, & non audeant similia perpetrare. **T E R T I A** est, quia ipsis hominibus, qui occiduntur, saepe utile est occidi, quando videlicet semper fiunt peiores, & non est probabile inquam eos ad sanitatem mentis reuersuros.

Hæ autem rationes omnes suadent hereticos occidendos; nam primum nocent proximis magis, quām ullus pīca

vel latro, quandoquidem animas occidunt, immo tollunt fundamentum omnis boni, & Rempub. tumultibus replet, qui necessariò religionum diuersitatem sequuntur.

Deinde, plurimis prodest eorum supplicium; multi enim, quos impunitas faciebat torpentes, suppicia proposita excitant, ut cogitent qualis sit hæresis, quam sequuntur, & videant ne fortè vitam presentem miserè finiant, & ad futuram beatitudinem non perueniant. Itaque & B. Augustinus in epist. 48. testatur, plurimos conuersos esse, postquam leges Imperatorum nō sinebant hæreticos impunitos, & nos quotidie idem videmus fieri in locis, vbi viget inquisitio.

Denique, hæreticis obstinatis beneficium est, quod de hac vita tollantur; nam quod diutius viuunt, eò plures errores excogitant, plures peruerunt, & maiorem sibi damnationem acquirunt.

## CAPUT XXII.

### Soluuntur obiectiones.

**S**UPEREST argumenta Lutheri atque aliorum hæreticorum diluere. Argumentum PRIMVM, ab experientia totius Ecclesiæ: Ecclesia, inquit Lutherus, ab initio sui usque huc nullum combusti hæreticum; ergo non videtur esse voluntas spiritus, ut comburantur.

RESPONDEO; argumentum hoc optimè probat, non sententiam, sed imperitiam, vel impudentiam Lutheri; nam cùm infiniti propemodum vel combusti, vel aliter necati fuerint, aut id ignorauit Lutherus, & tunc imperitus est, aut non ignorauit, & impudens ac mendax esse conuincitur; nam quod hæretici sint sàpe ab Ecclesia combusti, ostendit potest, si adducamus pauca exempla de multis. **P**hilippianus hæretarcha cum sociis, à Maximo Christiano Imperatore necatus est, vt S. Hieronymus in libro de viris illustribus testatur, & de Donatistis occisis meminit Optatus lib. 3. contra Parmenianum.

Basilius quidam Magus, ac proinde hæreticus; nam vix illi sunt verè Magi nō hæretici, Romæ combustus est à Christiano,